

修訂日期 2006/04/12 発行日期 2007/3/7 発行単位 中華電子

大典協會 (CBETA) <http://www.cbeta.org> 資料底本 大正新修

大正藏經 Vol. 12 No. 389 原始資料 蕭鎮国大德提供 維習安大

德提供之高麗藏 CD 經文 曾国豊大德輸入 其他 No. 389

佛垂般涅槃略說教戒經 (亦名佛遺教經) 後秦龜茲国三藏鳩摩羅什

奉 詔訳

釈迦牟尼佛初轉法輪 度阿若憍陳如 最後說法度須跋陀羅 所

応度者皆已度訖 於娑羅雙樹間將入涅槃 是時中夜寂然無聲 為

諸弟子略說法要 汝等比丘 於我滅後當尊重珍敬波羅提木叉 如

闇遇明貧人得宝 當知此則是汝大師 若我住世無異此也 持淨戒

者不得販賣貿易 安置田宅 畜養人民奴婢畜生 一切種殖及諸財

宝 皆當遠離如避火坑 不得斬伐草木墾土掘地 合和湯藥占相吉

凶 仰觀星宿推步盈虛歷數算計 皆所不應 節身時食清淨自活

不得參預世事通致使命 呪術仙藥 結好貴人親厚媒媪 皆不應作

當自端心正念求度 不得苞藏瑕疵顯異惑衆 於四供養知量知足

趣得供事不應穢積 此則略說持戒之相 戒是正順解脱之本 故名

波羅提木叉 依因此戒得生諸禪定及滅苦智慧 是故比丘 當持淨

戒勿令毀犯 若人能持淨戒是則能有善法 若無淨戒諸善功德皆不

得生是以當知 戒為第一安隱功德之所住処

汝等比丘 已能住戒當制五根 勿令放逸入於五欲 譬如牧牛之

人執杖視之 不令縱逸犯人苗稼 若縱五根 非唯五欲將無崖畔不

可制也 亦如惡馬不以轡制 將當牽人墜於坑陷 如被劫害苦止一

世 五根賊禍殃及累世 為害甚重 不可不慎 是故智者制而不隨

持之如賊不令縱逸 假令縱之 皆亦不久見其磨滅 此五根者心為

其主 是故汝等当好制心 心之可畏甚於毒蛇惡獸怨賊大火越逸
未足喻也 動輒輕躁但觀於蜜不見深坑 譬如狂象無鈎 猿猴得樹
騰躍跳躑難可禁制 当急挫之無令放逸 縱此心者喪人善事 制之
一処無事不弁 是故比丘 当勤精進折伏其心
汝等比丘 受諸飲食当如服藥 於好於惡勿生增減 趣得支身以
除飢渴 如蜂採花但取其味不損色香 比丘亦爾 受人供養取自除
惱 無得多求壞其善心 譬如智者籌量牛力所堪多少 不令過分以
竭其力
汝等比丘 昼則勤心修習善法無令失時 初夜後夜亦勿有廢 中
夜誦經以自消息 無以睡眠因緣令一生空過無所得也 当念無常之
火燒諸世間 早求自度勿睡眠也 諸煩惱賊常伺殺人甚於怨家 安
可睡眠不自驚寤 煩惱毒蛇睡在汝心 譬如黑虻在汝室睡 当以持
戒之鈎早摒除之 睡蛇既出乃可安睡 不出而眠是無慙人也 慙恥
之服 於諸莊嚴最為第一 慙如鉄鈎能制人非法 是故比丘 常當
慙恥 無得暫替 若離慙恥則失諸功德 有愧之人則有善法 若無
愧者 与諸禽獸無相異也
汝等比丘 若有人來節節支解 当自摂心無令瞋恨 亦当護口勿
出惡言 若縦恚心則自妨道失功德利 忍之為德持戒苦行所不能及
能行忍者乃可名為有力大人 若其不能歡喜忍受惡罵之毒如飲甘露
者 不名人道智慧人也 所以者何 瞋恚之害能破諸善法壞好名聞
今世後世人不喜見 当知瞋心甚於猛火 常当防護無令得人 劫功
徳賊無過瞋恚 白衣受欲非行道 無法自制 瞋猶可恕 出家行
道無欲之人 而懷瞋恚甚不可也 譬如清冷雲中霹靂起火非所応也
汝等比丘 当自摩頭 已捨飾好着壞色衣 執持心器以乞自活 自
見如是 若起憍慢当疾滅之 謂長憍慢尚非世俗白衣所宜 何況出

家人道之人 為解脱故自降其心而行乞耶 汝等比丘 諂曲之心与
道相違 是故宜応質直其心 当知諂曲但為欺誑 入道之人則無是
処 是故汝等 宜応端心以質直為本汝等比丘 当知多欲之人 多
求利故苦惱亦多 少欲之人無求無欲則無此患 直爾少欲尚応修習
何況少欲能生諸善功德 少欲之人則無諂曲以求人意 亦復不為諸
根所牽 行少欲者心則坦然無所憂畏 触事有余常無不足 有少欲
者則有涅槃 是名少欲汝等比丘 若欲脱諸苦惱 当觀知足 知足
之法即是富樂安隱之処 知足之人雖臥地上猶為安樂 不知足者雖
処天堂亦不称意 不知足者雖富而貧 知足之人雖貧而富 不知足
者常為五欲所牽 為知足者之所憐愍 是名知足
汝等比丘 若求寂靜無為安樂 当離憤鬧独処閑居 静処之人帝
釈諸天所共敬重 是故当捨己衆他衆 空閑独処思滅苦本 若樂衆
者則受衆惱 譬如大樹衆鳥集之則有枯折之患 世間縛着没於衆苦
譬如老象溺泥不能自出 是名遠離
汝等比丘 若勤精進則事無難者 是故汝等 当勤精進 譬如小
水常流則能穿石 若行者之心数数懈廢 譬如鑽火未熱而息 雖欲
得火火難可得 是名精進
汝等比丘 求善知識求善護助而不忘念 若不忘念者 諸煩惱賊
則不能入 是故汝等 常当揅念在心 若失念者則失諸功德 若念
力堅強 雖入五欲賊中不為所害 譬如着鎧入陣則無所畏 是名不
忘念

汝等比丘 若揅心者心則在定 心在定故能知世間生滅法相 是
故汝等 常当精勤修集諸定 若得定者心則不乱 譬如惜水之家善
治堤塘 行者亦爾 為智慧水故善修禪定令不漏失 是名為定
汝等比丘 若有智慧則無貪着 常自省察不令有失 是則於我法

中能得解脱 若不爾者既非道人 又非白衣 無所名也 實智慧者
則是度老病死海堅牢船也 亦是無明黑闇大明灯也 一切病苦之良
藥也 伐煩惱樹者之利斧也 是故汝等 當以聞思修慧而自增益
若人有智慧之照 雖無天眼而是明見人也 是為智慧
汝等比丘 若種種戲論其心則亂 雖復出家猶未得脫 是故比丘
當急捨離亂心戲論 若汝欲得寂滅樂者 唯當善滅戲論之患 是名
不戲論

汝等比丘 於諸功德常當一心捨諸放逸 如離怨賊 大悲世尊所
欲利益皆以究竟 汝等但當勤而行之 若在山間若空沢中 若在樹
下閑処靜室 念所受法勿令忘失 常當自勉精進修之 無為空死後
致憂悔 我如良医知病說藥 服与不服非医咎也 又如善導人善
導 聞之不行非導過也 汝等若於苦等四諦有所疑者 可疾問之
無得懷疑不求決也

爾時世尊如是三唱 人無問者 所以者何 衆無疑故

爾時阿菟樓駄觀察衆心而白 佛言 世尊月可令熱 日可令冷 佛
說四諦不可令異 佛說苦諦真實是苦 不可令樂 集真是因 更無
異因 苦若滅者即是因滅 因滅故果滅 滅苦之道實是真道 更無
余道 世尊 是諸比丘於四諦中決定無疑 於此衆中 所作未弁者
見仏滅度當有悲感 若有初入法者 聞仏所說即皆得度 譬如夜見
電光即得見道 若所作已弁已度苦海者 但作是念 世尊滅度一何
疾哉 阿菟樓駄雖說是語 衆中皆悉了達四聖諦義 世尊欲令此諸
大衆皆得堅固以大悲心復為衆說

汝等比丘 勿懷憂惱 若我住世一劫会亦當滅 会而不離終不可
得 自利利人法皆具足 若我久住更無所益 応可度者若天上人間
皆悉已度 其未度者皆亦已作得度因縁 自今已後 我諸弟子展轉

行之ぎょうし 則是そくぜ 如來にょらい 法身ほつしん 常在じょうざい 而不に 滅也ふめつや 是故ぜ 当知どうち 世皆せかい 無常むじょう 會必有えひつう 離り
勿懷もつえ 憂也うや 世相せそう 如是によぜ 當勤とうこん 精進しょうじん 早求そうぐ 解脫げだつ 以智いち 慧明えみょう 滅諸めつしよ 痴闇ちあん 世せ
實危じつぎ 脆無ぜいむ 牢強ろうかう 者我しやが 今得こんとく 滅如めつにょ 除惡じよあく 病此びやうし 是應ぜおう 捨罪しやざい 惡之物あくしもの 假名けみょう 為い
身しん 没在もつざい 生老しょうろう 病死びやうし 大海だいかい 何有がう 智者しやとく 得除じよとく 滅之めつし 如殺にょせつ 怨賊おんぞく 而不に 歡喜ふかんぎ
汝等にょとう 比丘びく 常當じょうとう 一心いっしん 勤求こんぐ 出道しめつどう 一切いっさい 世間せけん 動不動どうぼう 法皆かいて 是敗はい 壞不えふ
安之あんし 相そう 汝等にょとう 且止しやし 勿得もつとく 復語ふご 時將じしやう 欲過よくか 我欲がよく 滅度めつど 是我最ぜがさい 後之ごし 所しよ

教誨きやうけ

仏垂ぶつずい 般涅はんねつ 繫略けいりやく 説教せつきやう 戒經かいきやう